

北洋官報

宮門抄
上諭
交旨

錄

奏議○直督會奏籌備憲政情形摺△考察憲政大臣李
奏考察日本皇室制度摺
公廣○督憲札一件△歐洲留學生監督呈一件△川學
詳一件
文告四則△電報五則△新聞十三則
彙編○四川學務公所權限章程

本局第一百十二期 法政學報現已出版

宮門抄

八月十一日 法部 大理院 廂紅旗值日 召見軍機

上諭

八月十一日內閣奉

旨玉璋著調補乍浦副都統所遺廂藍旗蒙古副都統著恩志補授玉璋未到任以前著瑞興暫行兼署欽此
上諭寶棻奏道員才不勝任據實糾劾一摺山西巡警道王為榦自抵任後辦理地方警務迄無起色難勝監司之
任著開缺以同知通判降選該撫保薦在前茲據自行檢舉尙不迴護著加恩免其議處該部知道欽此

交旨

八月十一日 軍機大臣欽奉

諭旨著民政部保舉熟悉警務應放道員數員開單交軍機處存記欽此

奏議錄要

直隸總督端兩江總督張會奏籌備憲政情形摺

奏爲會奏籌備憲政辦理情形恭摺具陳仰祈

聖鑒事竊臣等恭讀三十四年八月初一日

懿旨逐年

應行籌備事宜必須秉公認真次第推行各部院堂官各督撫及府尹遇有交替後任人員應會同前任將前任辦理情形詳細奏明以期各有考成等因欽遵在案臣人駿自行抵江甯省城於六月二十六日接篆任事旋准臣端方以內籌備憲政情形咨會遵章奏報臣人駿復經查核案卷證以事實謹合詞爲我

皇上縷晰陳之伏查

憲政編查館考核專科章程本年籌備事宜上屆截至六月爲止應俟八月內分別奏咨茲值交替之時自當將臣端方交卸以前經辦情形據實具報計第二年期內督撫應籌備者凡有八項內除資政院選舉章程未經頒布尙未議辦外其一爲舉行諮議局選舉甯省自上年十月遵設籌辦處當飭審釋名義釐訂規章發交司選員携赴各屬會合官紳審查資格確定名冊並變通定制以閏二月十一日舉行初選四月初五日舉行複選更訂定初複選以前進行日期通飭遵辦其建築事理一面派員赴日本調查一面相度地址籌款價購計自第一屆奏報之後初選複選均已如期竣事各屬議員暨候補當選人一律選足現正在照章造冊分咨九月開會之期決可不誤召集即室屋會場亦已招工承估於五月間擇吉開工趕速營構此遵章籌備者一也其一爲籌辦城鎮鄉自治設自治研究所查甯省於光緒三十三年遵

旨設局定名籌辦自治即係籌辦處性質當於十二月奏報在案開辦

之後首從設立研究所入手自江甯府辦起以次及於各屬研究所學生每府均分別定額作爲官費並招自費生另班肄業本年二月以前江甯官費自費各生陸續卒業並飭令回籍講演自治法理暨籌辦自治學社以期普及其場通海三屬選送學生亦已於本年二月開校凡此規畫以及設立宣講所調查慈善事業多在未奉部飭以前自定章頒行到甯即經通飭各屬一體遵辦並查照憲政編查館逐年成立期限單析爲逐月籌備之期限督促各

屬依限進行而以省局爲嚴核考成獎勵懲情之地甯省籌辦自治大略具此惟部飭自治籌辦處併設於諮議局籌辦處甯省自治籌辦在先所辦事理頭緒正繁諮議選舉業將告竣不久即須裁撤是以未議歸併此違章籌備者二也其一爲調查各省人戶總數查部章調查戶口未設巡警道各省暫以布政使爲監督甯省於未奉部飭之前先經自治局豫爲籌議頒章既至該局係布政使督辦因即以該局爲總監督辦事之機關擬定先自省城開辦由局自任調查以爲合屬之倡導當附設總分調查處釐訂辦事細則調查須知及部章所未備之調查表示各項即於三月內開查并撰發白話告示廣爲諭導其省外府廳州縣并經分別飭行更定頒發調查通則一律遵照仍由局隨時考核期免各爲風氣之弊而收整齊劃一之規此違章籌備者三也其一爲調查歲出入總數查入款如丁漕鹽課茶課關稅釐捐雜稅受協等項出款如廉俸軍餉京餉協餉洋款製造工程教育警察興辦實業等項至爲繁賾近年舉辦新政以興學練兵費爲最鉅其餘應辦事宜次第施行用款日增入不敷出歲虧甚鉅自非認真調查無以爲酌劑盈虛之地自度支部奏定清理財政章程臣端方即遵章設立江南甯屬清理財政局派藩司爲總辦而以運司鹽糧關道釐捐官錢兩局道員爲會辦並委駐局坐辦分設編輯審核庶務各科員悉心經理業將設局情形奏報並飭訂該局辦事細則咨部在案現經分年調查大要分舊案現行案新案年報季報月報等項數者之中尤以飭造本年季報爲要著爲現在實行清理之基礎自監理財政官到甯督飭局員分催各署局所將出入各款分類造報並令該局隨到隨核隨編隨送庶審核不致積壓編造可免遲延此違章籌備者四也其一爲籌辦省城商埠等處各級審判廳查中國行政司法混合不分歷年已數千計此時定議更張執行之樞紐未完防範之機關尙闕創制伊始誠不能不出以審慎臣端方於通飭遵辦之後與原任江蘇巡撫臣陳啟泰往返函商並飭由藩臬司再三核議更於蘇州臬署設立籌辦處以爲挈領提綱之地並派員調查中外規制以備參仿總期力除扞格粗具規模又以創制需才爰於江甯省城設立裁判研究所考取時事之官紳入所肄業所以養成審判之人才爲實行開庭之豫備此違章籌備者五也其一爲創設廳州縣簡易識字學塾查人民知識非識字者日有增加則國民程度驟難進步江南雖號開通然下級人民能具國家思想者仍屬少數恐不加強迫斷難程教育普及之效惟蒙養之始必須有畫一純粹之課本據以講授庶根本既植不致誤入於歧途臣端方於部飭頒到之時

卽通飭各屬預爲籌備一俟簡易識字暨國民必讀各課本由部編定頒發卽可發各屬依期開辦此遵章籌備者六也其一爲廳州縣巡警限年內粗具規模查江甯省城巡警於光緒二十八年創辦曾經前署督臣周馥將開辦情形分別奏咨臣端方抵任以來逐加整頓漸就完密其通商埠岸水陸衝衢如上海鎮江清淮揚州等處或專案奏辦或派員創設此外各廳州縣亦多據陸續奏請舉辦仍恐陽奉陰違虛應故事並隨時派員周歷考查此項人才前於光緒三十一年卽經設有警察學堂嗣因教育未能普及復經臣端方改爲江南巡警教練所加撥經費增添學額本年復遵照部飭改爲高等巡警學堂各廳州縣應設之教練所亦已通飭一體遵辦此遵章籌備者七也以上七項除諮議局選舉已將次竣事外其餘或久經議辦或正在推行臣端方罄竭智能僅僅具此基礎此後事端至隨定限復嚴臣人駿惟有急起直追期臻完備固不敢稍涉因循致觀成之無日亦未敢過事操切致形式之徒存所有臣端方交替以前籌備憲政情形由臣人駿會同詳奏各緣由是否有當理合恭摺具陳伏乞皇上聖鑒再此摺係臣端方主稿寄由臣人駿會核辦理合併聲明謹 奏宣統元年八月初六日奉 硃批該衙門知道欽此

出使日本國考察憲政大臣李家駒奏考察日本皇室制度摺

奏爲考察日本皇室制度擇要編錄進呈

御覽恭摺仰祈

聖鑒事竊奴才考察日本立憲官制前經編輯

成書奏報在案此外尚有宮內省官制不列責任內閣之內與皇族地位權務等事皆屬皇室制度之要端日本此

項法令時有增修其細則亦多內定而不公布奴才廣徵秘本博訪通人撮其大要編成日本皇室制度考一冊並

上次奏明譯繕未竣之日本自治制通釋一冊日本官規通釋一冊日本行政裁判法通釋一冊茲已一併繕齊

恭呈 御覽查日本國體與歐洲迥然不同而與我國相近歐洲君主之權由私法之關係而生其君權施行之

機關必依憲法之組織始成公法之關係至於皇室一身一家之事務則純屬私事故宮廷官吏悉爲君主之家臣

而無與於國家惟日本皇室自昔已爲統治國家機關之一部其行政制度亦多取法中土自大化以來所行之大

寶令實仿唐之永徽令而作以逮明治維新屢有改革厥後廢太政官行新內閣官制始將國家事務與皇室事務

析之爲二然二者之間究不能截然分離如玉璽國璽掌於內大臣接待外賓掌於式部職之類至宮內大臣雖不

爲閣員而有命令警視總監與地方長官之權此則歷史使然爲歐洲諸國所無者也惟是立憲政體首明責任皇室之與國家其實際雖互有關係而體制不能無區別日本當行新官制之初議論紛歧莫衷一是憲法發布之日宮廷制度仍未告成至明治三十二年始設帝室制度調查局詳細討論以日本之歷史爲張本分別規定其頒布宮內省官制亦不以敕令而以皇室令行之蓋皇室令者立於國家與皇室之間而有超越法律命令之效力既不屬於內閣之責任事務又能使官府臣民一律服從此則權衡之妙用也其官制要旨務嚴宮府之區別以保皇室之尊嚴宮內大臣惟上對天皇任輔弼之責而絕不負憲法之責所有供奉諸司皆別爲系統不與國家行政官相混而皇族懿親既與君主一體受臣民相當之敬禮享特別保護之權利則其身位事項如班次能力敘勳任官之類皆異乎尋常別爲規定凡茲制度似宜鑒於日本之前事於宣布憲法以前及早制定垂諸無窮謹參考各國情事証以我國歷史敬爲我

皇上陳之一曰內廷供奉諸官署員缺宜分別增併也各國供奉之官皆隸宮內省而以宮內大臣統之宮內大臣之地位雖與各省大臣同其尊榮而不負政治上之責任所以重王人優清秩也日本宮內省官制除大臣官房及省務分課外所屬局部尤爲繁密有侍從職式部職則我國禮部及內務府之所掌也有東宮職則前代之詹事府也有內藏寮御料局調度局帝室林野管理局則漢制少府水衡所掌而今制內務府之廣儲都虞會計諸司也有爵位局則漢制之主爵都尉而今制吏部驗封司之所掌也有大膳職則漢制之太官而今制內務府之 御茶膳房也有主殿寮則漢制之衛尉執金吾而今制侍衛處及護軍諸營之所掌也有圖書寮則今制之 玉牒館 實錄館 起居注 文淵閣諸職也有內匠寮則漢制之將作大匠而今制

工部之營繕司製造庫料估所等及內務府之營造司也有主馬寮則我之鑾輿衛太僕寺上駟院也有諸陵寮則我禮部工部所掌之一部也有侍醫局則我之太醫院也有內苑局主獵局則我之奉宸苑也其餘如御誥所則太常寺所掌之一部也文事秘書局則內閣翰林院所掌之一部也皇族職員則宗人府內務府所掌之一部也學習院則前代之國子監而今制之左右翼宗學 咸安宮 景山諸官學也此外又有內大臣府亦在宮中官之列而不隸於宮內大臣其職一在掌御璽國璽略如我內務府大臣會同內閣學士監視用 寶之制一在常侍輔弼略如我 御前大臣領侍衛內大臣之制內大臣雖不負政治責任然其職則以國家事務爲多其地位實立於

宮府之間故不隸宮內大臣焉自餘諸國雖局部之建置不盡從同而體制之統一則無以異我國自昔行獨裁政治以宮府一體爲尙故宮職與國務不分周官供奉之職數十皆統於冢宰居簡之意釐然可見自漢以降疏附之司列於九卿萬機出納歸於臺閣內外競權責任始淆爰逮隋唐因而勿革惟宋制特置宣徽院總領內諸司及三班內侍之籍郊祀朝會宴饗供帳之事以大臣爲院使與今世各國宮內省制不謀而合故終宋之世無中官弄權之禍雖曰爲政在人抑亦立法之美使然矣下逮元明浸失此意我朝上鑒百王深括治本特設內務府以領左右營御諸司而不使與聞政治

詒謀之美冠厥前古惟是治道隨時會爲轉移法制以借鑒而益備竊嘗推原各國立法之意以爲今制之有待損益者凡三事其一如禮部翰林院等衙門職在襄治

大典侍從 乘

與供奉文字凡不負政治上之責任者宜酌併宮職以歸畫一或謂諸署分立歷代相沿雖不合併何關治體不知

憲政精神最重秩序諸司並建而無最高之長官以統之則一切機務悉煩

宸慮既非邦治之所宜且典禮攸

崇不可簡廢卽如祭祀經費若待議會協贊始能供給設或有所削減事將不舉更於體制有傷故各國通制外之既有內閣總理大臣以長政府內之復有宮內大臣以率宮職惟執簡以馭繁斯本端而未舉也其二如外務部度

支部農工商部等衙門將來建設責任內閣以後皆爲最高之行政官府而負政治之責今其諸司所職尙存兼奉

宮掖之務他日議會既開若於此不加糾察則大臣責任無自而完若與通常政務同列議案則

皇室尊嚴

緣此而擬似宜分別性質或省歸他署或分立專司而悉受成於宮正庶權限分明庶績咸理矣其三現制內務府諸司專任旗員之一部分幾同世祿推原立法之本意一以成例相沿取資熟手一以事務較簡無須多才也今若做行各國宮內省制規模式廓職務增多則出入諷議端賴衆賢干城腹心亦需英俊若仍限以旗籍委諸銓選恐非先王慎選近習之旨春秋特崇王人之義此又宮職任用法亟宜改正者也

(未完)

公牘錄要

督憲端准東督吉撫咨擬在天津設立吉林旗務處工廠派員經理轉運製造軍械物料札飭

津海關道查照立案文

附清單

爲札飭事七月二十三日准 東三省總督部堂吉林巡撫部院咨開旗務處工廠製造各項軍裝成品原料甚多

均須購自天津如屢次派人採辦不但往返多耗川資卽價值之高低亦難消息靈通擬在天津設立吉林旗務處
工廠轉運所以資轉運並兼報市行茲選得縣丞職銜史長富府經歷銜黃景星二名堪以試充該所經理人每月
酌給工食飭其在津坐辦除飭該經理人遵照辦理外理合抄粘該所轉運簡章具稿呈請咨行北洋大臣札飭海
關道查照立案等情據此相應抄粘咨行貴大臣查照轉飭施行等因到本大臣准此合行札飭札到該道卽便查
照此札 抄單一紙 計開 第一條 本所爲吉林旗務處工廠轉運物料而設卽定名曰吉林旗務處工廠轉
運所 第二條 本所設立天津河東小關 第三條 本所暫用經理人二名在津坐辦 第四條 本所辦事
機關與工廠直接 第五條 本所對於工廠所用之物料有報告價值購買及運送之責 第六條 本所爲工
廠購辦物料之款由旗務處匯交該所完給如有侵挪影射等弊惟各該經理人鋪保是問 第七條 本所運送
工廠物料之免稅護照由旗務處呈請公署批准填數發給 第八條 本所對於工廠所用之物料如有應購自
上海漢口營口等處該經理人亦應任辦 第九條 本所購買物料運送物料如有差失及不適用並誤限等事
惟各該經理人是問 第十條 本所經費及運送物料盤費均由工廠經費項下作正開支

代辦歐洲游學生監督刁作謙呈請 督憲加撥醫學生津貼文

爲呈請事案據學生謝應瑞稟稱應瑞本年六月受倫敦大學試驗物理化學兩項皆已及格合之去年及格之動
物植物兩項第一學位預試已經過訖此後當習第二學位預試功課茲將試驗及格憑據寄呈一閱應請尊處於
報告北洋時將此節聲明抑應瑞更有請者應瑞所習醫科參考書籍實比其他科學特爲繁重解剖學藥物學二
項於醫學爲重要科目非有實驗器具藥料無從切實研究具此兩項參考書籍復極繁賾萬不能專恃租借以給
目前過第二學位預試後其第三級功課爲內科外科產科三項專門條理更繁延師購書萬不可少尤非專恃堂
上頃刻聽授所能爲力英京百物昂貴每月學費實不敷用查北洋留學德國林獻圻馮家遇常朝幹宋爾廉四生
曾經 出使德國大臣孫歐洲留學生監督蒯先後咨准 直隸總督部堂分別咨行給與每生每年津貼一千馬
克並經發領在案又北洋學生唐文盛王開治留英并經另給入廠津貼應瑞現在倫敦大學與林宋常馮諸生程
度相同需款情形會無少異懇由尊處呈明 直隸總督部堂援照留德林宋常馮四生例恩准給與學生每年津

貼千馬折鏹匯英以資應用庶使學生足以勉竟學業學生明知時艱孔亟籌款綦難苟非實在需用無力自籌萬不敢輒援成例妄行陳乞應請呈明 督憲俯察下情不勝屏營待命之至等語并據將倫敦大學本年六月考試醫學士第一學位預試及格人名目錄呈驗前來該生所稱過訖第一學位試驗應進習第二學位試驗課程事情屬實醫學一科所需實習器具藥品參考書籍極爲繁重自是實情應否 恩准援案給與每年津貼千馬折鏹匯英俾資應用之處仰候 鈞裁如蒙 俯允應請由本年西八月起按年籌匯以憑轉給爲此具呈伏乞 察核批示祇遵

四川提學司詳擬定公所各科辦事權限章程文並批

爲詳請示遵事竊查光緒三十二年 學部奏定各省學務辦事權限章程內開學務公所分爲六科曰總務科專門科普通科實業科圖書科會計科各科設科長一人副長一人其科員視事之繁簡由提學使酌量詳派限定人數少則一員多不過三員又查光緒三十三年 憲政編查館奏請飭各省設立調查局各部院衙門設立統計處各等語查四川學務公所各科暨統計處辦事員紳均經前署司先後照章詳委在案惟各省辦學伊始 部章僅就表面規定各科統系以及辦事權限並未詳細劃分相沿既久勞者鎮日事如蝟集逸者終年不辦一事推諉放棄之弊遂不免因仍而生現值 學部對於各省學務力求統一若不分析釐訂誠恐司署之內先不能整齊劃一司署之外以及所屬之各府廳州縣學務更何望推廣振興再四籌維計惟有先定統系以爲入手地步蓋統系不立即權限無由明權限不明即考成不定此前弊所由滋也茲謹就公目前辦事情形按各科事務繁簡查照部章參酌浙江提學司派辦各員權限章程釐訂統系劃清權限可裁者暫予酌裁可併者暫予酌併以期勞逸均平儼虞稱事而仍不背 部章俾該員紳等此後辦事各有責成不致仍蹈故轍庶於教育行政一方面或可漸次推廣期於普及其該各員紳等薪資除已加有津貼各員紳姑予暫仍其舊其未加津貼各員紳應由署司查看以後辦事如果確實著有成效再行擇尤詳請加給津貼以示優異而資獎勵此外應行整頓各項事宜容由署司逐一切實調查隨時請示整頓茲特先將擬定學務公所各科統系暨辦事權限章程另繕清冊賚呈鈞鑒是否有當理合具文詳請憲台俯賜察核批示祇遵 (章程錄後)

川督趙 批學務公所廢弛情形本督部堂已久有所聞今該司蒞任伊始即首先整頓所規深得辦事要領核閱所擬章程皆係參酌浙江成案變通辦理仍不出 部章之範圍所內各員紳有應裁汰歸併者仰即如擬酌行藉明權限並參照本督部堂前次札飭將其餘應行改革事宜隨時整飭力求實際以正本源而圖進步仍候將原詳章程登報公佈繳清冊存

文告錄要

督憲批示錄要○連司兼緝私局詳東鹿武強兩縣緝私事務改由冀州分局管轄請立案由 批如詳立案仰即分行遵照此繳○武強縣樂廷相稟送確樣請查核考驗示遵由 批據呈確樣仰候札發運司轉飭官硯局考驗明確由司籌議詳覆以憑飭遵此繳○成安縣樂太常稟警務員紳懇請給獎由 批據稟已悉仰警務處核明詳奪稟抄發此繳

藩台批示○委署永平府教授閆汝楫改就揀選知縣遺缺委試用訓導靳曾培署理

藩台批示○甯津縣村正劉士謙等呈 批該集舊牙劉向三身故自應另選殷實可靠之人接充縣書齊畢堂究竟有無欺詐舞弊情事既據劉寶三控經河間府飭縣查辦爾等應靜候該縣確查訊明辦理何得來轅上瀆殊屬逞刁好訟應不准理○饒陽縣職員孔昭讓等呈 批此案前據南宮縣職員孔憲學等來轅具呈本司因查巡警爲保護地方而設與別項雜差不同當經明晰批示在案今該生等既稱與南宮縣孔憲學等控案情事無異候即將孔憲學原呈並批示抄行饒陽縣查照辦理可也此批

保定工巡總局批示○附生馬慕融具稟一案 批據稟已悉候行該管分局查明稟覆核辦仰即知照此批

電報錄要

路透電○美國米西西河水爲災紐歐爾林地方損傷財產約值一百萬美元此次該河泛溢因墨西哥海灣一帶雷雨所致輪船來往甚爲危險現在雨尙未止美國歐海歐河與葛利德湖亦均泛溢

又電○美國紐歐爾林地方於禮拜一日大水爲災并將魯森納地方冲毀沿海岸地方均受水災棉花甘蔗一律受損巴爾頓并附近地方被災情形尤甚調查損失財產約值二百萬美元又溺斃二十餘人

又電○奧皇以聖司泰芬十字大勳章贈與德首相赫洛威克氏
又電○德國藩部大臣德恩伯克氏往美國游歷并考查種棉之法以便整頓德國各屬棉業

柏林電○德皇現在魯敏頓地方游獵

又電○歐洲列強互相提議辦法以便照會西班牙政府停止添派兵隊開往摩國

新政紀聞

政治

司法研究所招考○蘇撫瑞中丞注意養成審判人才設一司法研究所日前發出牌示一道略謂省城及商埠各級審判廳現在遵照館章首先籌辦而高等地方各級審判廳亦應按年次第籌設事屬創舉需才孔亟舊時官吏於中國例章尙少通曉各國審判之法更鮮講求爲今之計首宜養成審判人才庶開辦時不致有才難之嘆本部院擬先就本省候補人員中遴選素通中國法律者送入司法研究所認真講習以資造就合亟牌示爲此示仰閩省候補同通州縣以及佐貳各員一體知悉該員等如有自審材識學誼能應其選者均速來轅報名聽候傳集考試幸勿自誤

議員擬立招待所○閩省諮議局開會在卽八月二十日爲新議員來省會齊之期現諮議局籌辦處擬設議員招待所於貢院內以便接洽惟貢院在榕城極北之地各府屬議員到省者必聚集台之上下杭地方離貢院太遠議者多以爲不便聞各議員之意擬在城台適中之地擇一地點以爲招待所較爲安便云

遵飭詳覆籌備議案○浙撫增中丞札飭勸業道籌備議案一節茲悉董觀察已將籌備情形詳覆略以伏讀單開諮議局章程第二十一條第一至第七各款除第二第三兩款之本省歲出入預算決算事件現在各省已准館咨應按照逐年籌備清單俟明年各省歲出入總數復查確實再行次第試辦等語浙省亦應遵辦及第四款之本省稅法及公債事件第五款之本省擔任義務之增加事件第七款之本省權利之存廢事件或不隸於署道衙門及現今尙無此項事件發生外其餘第一第六兩款一爲本省應興應革事件查署道職務爲實業交通二端大利所在自以應興者爲多而從前積弊相沿應革者似亦不少此第一款之所宜研究者也一爲本省單行

章程規則之增刪修改事件中國幅幘廣大凡風俗習慣各省不同局章使諮議局有本省三法事項之議決權所以爲地方謀者至周且密浙省署道衙門甫經創設凡農工商礦船路郵電諸要政雖已先後遵奉部章而通行全國者不過舉其大綱單行本省者亟宜詳其細目此第六款之所宜研究者也

學務

札查世職就學官費○浙撫增中丞前據高等巡警學堂監督劉道詳稱世職就學應給官費於何處請領並送承襲學生履歷等情當卽札飭布政司查核詳覆茲聞顏方伯以是項學費向無成案可稽該堂官費生每年每名計需官費若干本學堂原有經費係在何項開支能否就此添支抑尙不敷若干並考取該世職詳細履歷及警務處原詳本司署均未准行知有案碍難懸擬現已備文移會巡警道飭檢原案送司以憑詳覆

法政學堂改委教務長○湖北法政學堂教務長前係浙江生員張競仁充當刻已辭職該堂監督邵太史以此席未便久懸因卽改請汪君濤接充是職蓋汪君保留日完全法政畢業生教授有方性情亦復和平全堂學生當無不帖服也

軍政

詳請建築協司令處○江南第九鎮新軍各標營房屋均已次第落成惟協司令處尙未建築迭經十七協孫統領在城北一帶勘地終無合宜之處以致因陋就簡仍租用民房辦公究屬爲第九鎮缺點茲經該統領勘定在竺橋東首有官地一方頗爲合用特就地勢繪具圖說詳請在該處建築洋房一座爲協處人員辦公之用其經費卽在按月截曠項下支撥一俟批准卽行擇吉鳩工

蘇省裁撤巡緝隊○蘇省設立巡緝隊曾經陸軍部批駁嗣由蘇撫瑞中承以餉項奇絀之際應卽裁汰等情轉行巡防營務處核議現經該處議覆以該隊各勇本已只開不補是以目下僅存勇丁七十餘名現擬分期逐漸裁撤以節餉糈每月約裁十餘名計四個月可以裁盡

會籌陸師巡防隊餉銀○浙省營務兵備參謀三處會議本省陸師巡防隊衷多益寡一律歸併改編加增薪糧每年約不敷銀三萬餘兩現擬在司庫籌撥絲捐洋二萬元其餘不敷由釐餉局籌畫

實業

瓜哇土布發所陳列○南洋瓜哇一埠所產各種土布最爲精美現有瓜哇學生廣東嘉應州人邱心榮曾在日本宏文書院早稻田大學畢業創辦巴達維學會日前由南洋來津謁見 督憲呈送瓜哇五彩土布兩方組織極精花樣亦細 督憲頗爲欣賞當以南洋正在籌辦勸業會非搜羅新奇物品不足以資比較遂將花布兩方一存南洋陳列所一存天津勸工陳列所以誌邱君不忘祖國之誠而 督憲振興實業殷殷提倡之苦心於此益可見矣現花布業經陳列有心實業者盍前往調查以資參考焉

定期審查陳列物產○蘇垣物產陳列會於上月二十六日完滿停閉後即經公議將留園會場撤除所有陳賽物品教育美術圖書等物均在府中學堂照常羅列其各工商送賽物件則皆列諸商會須俟審查過後方能收藏或發還原主現聞張季直殿撰已定於初三日乘坐專車來蘇會同本會各紳商親詣兩處分別審閱各物評騭高下照章分給金銀銅三種獎牌其在會辦事人員則均獎以名譽文憑以示優異云

試驗新製機器○廣西補用知縣唐明菁曾於光緒三十年條陳製造機器奉前升撫院趙批飭工業學堂試驗在案近又條陳製造大力機器自來水避砲車火裏球等式稟由勸業道唐觀察移請工業學堂飭傳試驗成績適值該學堂正在修建校舍工場尙未開工應俟落成後再行示期由金工科逐件試驗

路礦

浙省飭辦礦務警察○浙江督練公所兵備處具文移會勸業道謂敵處會同貴道詳奉撫憲飭議淳安縣稟職商華肇裕第開辦鑛礦請兵保護辦法請示遵行奉批據詳已悉淳安鑫泰鑛公司需兵保護現在兵力不敷分佈抽調爲難擬按照礦章飭由該公司速設礦務警察務於兩月內招齊所需餉械由公司自備警兵未招以前請飭衛防督帶先於就近隊內抽撥兩棚馳往暫駐借資鎮懾應准照行仰候分飭淳安縣暨衛防督帶遵照等因奉此除轉行外移請查照辦理云

江西銅礦節省經費○贛州銅礦開辦以來成效未著而支銷甚鉅自池倬貞銓事發現後上憲派人確查並將一切費用大加裁節現池倬貞銓暨劉紳景熙皆已告退礦中事務由勸業道責成程姓二委員辦理每月支銷以千金爲率俟所雇滇省鎔銅工匠到後將探出礦質如法鎔鍊售銷歸還前此墊款而謀經久

四川提學使擬定公所各科辦事權限章程

第一章 總綱

第一節 總務科總持綱要凡關於本省本所全體之章程規則機密緊要之公牘以及提學使特別商訂之事件由本科核辦外其餘各項公牘隸何科者即由何科辦理至以總務科總其大成

第二節 公文函電到所先由總務科科員中之司收發者分別省視加蓋某科戳記分送各科此後所有案卷冊籍均由各科自行收儲掌管

第三節 公所稿簿應按照六科分置六本隸何科者由何科人員畫稿其或一事兼涉他科者會同畫稿惟總務科科長無論何件均應一律畫稿俾得融會貫通

第四節 各科文牘由科員起草本科科長核定後再送總務科科長核改審定

第五節 各科員紳人等均於早八句鐘到所午後四句鐘分散星期休息

第二章 分科分股統系權限細目

第一節 總務科分收發文案審覈三股科長一人科副一人科員三人

第二節 科長科副權限 一核改審定本科及各科應辦之公文稿件 一綜擬機密緊要之各項文件 一核定本省學務全體之章程規則 一審訂統計報告學務報告教育官報 一核定各屬辦學員紳功過與其升黜更調隨時開單呈請 一檢定各屬所派辦學員紳能否勝任 一約束公所人役並稽察一切雜項事件

第三節 科員權限 收發股收發一切公文函電案卷冊籍分別應隸何科加蓋戳記分送何科並籌議各學堂改良衛生事宜暨檢查公所人役及雜項事務 文案股草議本科應辦之公文稿件機密文件及本省學務全體之章程規則並編訂統計報告學務報告教育官報 審覈股攷察各屬辦學員紳能否勝任分別功過照章核請黜陟兼掌理備聘外國人合同兼幫辦文案股事件

第四節 專門科分文案審覈二股科長一人科員暫設一人

第五節 科長權限 一核定本科應辦之公文稿件 一核定本科應擬之章程規則及高等學堂各種專門學

堂與各種學堂專門學科講義並幫核各種試卷 一籌議對待海外遊學生事務

第六節 科員權限 文案股暨審覈股暫以一人兼充草議本科應辦之公文稿件章程規則並審核各種專門學科講義暨各項考試試卷

第七節 普通科分文案審覈股科長一人科員暫設二人

第八節 科長權限 一核定本科應辦之公文稿件 一審定本科應擬之章程規則 一核定各普通學堂試卷表冊

第九節 科員權限 文案股草議本科應辦之公文稿件章程規則 審覈股審定各學堂積分表冊與各學生到堂年月期限程度並幫辦文案股事件

第十節 實業科分文案審覈二股科長一人科員暫設一人

第十一節 科長權限 一核定本科應辦之公文稿件 一審定本科應擬之章程規則 一考察本省實業界情形及籌議擴充維持之法

第十二節 科員權限 文案股暨審覈股暫以一人兼充草議本科應辦之公文稿件章程規則並審覈各項實業學堂講義及各項考試試卷表冊

第十三節 圖書科分文案審覈編譯三股科長一人科員暫設二人

第十四節 科長權限 一核定本科應辦之公文稿件 一審訂本科應擬之章程規則 一審定各屬應用之教科書參考書及各種儀器 一核定各學堂各科講義及各項考試試卷 一編纂教育官報

第十五節 科員權限 文案股草議本科應辦之公文稿件章程規則兼編纂教育官報 審覈股審察各學堂教科書參考書及各科講義並各項考試試卷 編譯股繙譯文件並經理印刷事宜及圖書館博物館等事

以上三股暫以二員分任

第十六節 會計科分文案庶務二股科長一人科員二人

第十七節 科長權限 一核定本科應辦之公文稿件 一核定本科應擬之章程規則 一掌理本所經費收支報銷 一稽核各屬教育經費

受驚成癩

此位患腦疾之女子曾受諸般痛苦直至得韋廉士大醫生紅色補丸使其腦筋有力而後已
 凡腦筋虛弱者一受驚嚇必生諸多險症試觀居於英國來克司罕地相近之少女所述之病狀可為明證焉其人
 因受驚嚇頓成癩病勢可畏生路絕望一旦得韋廉士大醫生紅色補丸使之腦筋強健癩癩獲愈茲將其自述
 之辭刊錄於左○英國來克司罕白林太軋地白林納路愛萊威廉氏小姐云余昔偶遊花園聞聲息便覺驚躍
 撲余身猝不及防飽受虛驚入室後四支發顫人即氣鬱昏迷如醉如癡從此腦筋易受感觸如聞聲息便覺驚躍
 不甯手指震顫不能取物入口抑目屢顫不已片刻難過甚至全體皆然不克自持其病之劇如此醫士勸余臥床



愛萊威廉氏
 靜養不料越數日後竟成爲跳舞瘋病四支跳躍不休惟有束以皮帶
 或可稍甯如是者纏綿數月幾成爲無力之小孩不能獨處一室每覺
 部軟弱艱於消化故也余因腦筋易於感觸所以不能獨處一室每覺
 頭痛身弱四肢戰慄全身抽搐頭常顫搖不已面被牽扯橫斜一日有
 女友探望乃以與余相似之病症爲韋廉士大醫生紅色補丸所治愈
 者向余母述說之並勸余亦試服是丸余初服之時便覺功效奇妙而無
 常蓋其奏效非在一時乃係由漸而進既服三四瓶後手能執杯而無
 顛撲之虞胃口增進能食清淡之物藥既對症體漸生力闔家爲之歡
 樂所有抽搐震顫消除殆盡身體康健大有進步值至跳舞瘋病竟爲
 所治愈
 色補丸
 醫生紅
 廉士大
 病爲韋
 跳舞瘋
 小兒患
 威廉氏
 靜養不
 或可稍
 部軟弱
 頭痛身
 女友探
 者向余
 常蓋其
 顛撲之
 樂所有

韋廉士大醫生紅色補丸所治愈現年十有九歲絕無復發之患矣○韋廉士大醫生紅色補丸能使軟弱之血得
 以稠濃乏力腦筋得以滋補無論男女皆有裨益已會醫治無數血薄氣衰山林瘴氣肝經各病胃不消
 化風溼骨痛腎散痠痛筋系刺痛脊腦痠癱左癱右瘓腦筋失調少年斷喪陽萎不舉胃不消
 衝心乾溼癩癩瘡疥疔疹以及婦科諸症即如經水不調氣鬱不舒等症是也中國各處商店藥局凡經
 售西藥之處均有代售或直向上海九江路B字第八號韋廉士大醫生藥局總發行處購買亦可
 英洋八元每一瓶英洋一元五角遠近郵費一律不取

上海九江路 B 字第八號 韋廉士大醫生藥局 啟

縱覽會

本月二十日至二十六日本場第四次縱覽會前四日男客入覽後三日女客入
 覽每日由上午十二鐘至下午六鐘無論官紳士庶均可進場游觀藉開風氣不取
 分文

天津河北密窪實習工場謹白

啟新 洋灰有限公司廣告



啟者本公司係承唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論臺零交易均可本公司總理處設在天津海大道英租界並在天津奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利洋行

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑽珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡本行主人啟

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡統蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡軸 磁銅料器漆藍 奇巧美術玩器 學界文房用品 旋行携帶等件 精工鑲身物料 定鑲各色麗麗 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

商務印書館出版各書上海總發行所 分館發售

欽定大清會典事例全書 版式大小謹遵 商務印書館恭印

會典 進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖十二函○一定額二百部售完不再印○一定價規銀四百兩預約者減爲二百五十兩○一約以本年九月底爲限先付規銀五十兩○一本年内先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初蒐無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話 五百二十六號

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會霽礪伯及各土司又先後報災邊地高寒水泉素乏童山彌望生植不饒一遇旱乾即成凶禔現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛亂逃糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上 朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民爲甘民計未嘗非爲全局計也現上海諸公已發起助賑會無非出於愛國愛民之苦心同人復敢爲甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啓

籌賑處

北京驛馬市大街恆裕金店
天津獅子林北洋官報總局

京奉路局招考生日日期提前廣告

本局前擬於八月十七日考試現奉 郵傳部電開准於八月十二日考試筆算代數十三日考試英文譯漢漢文譯英十七日考試口授英文講義筆述英文論說十九日考試中國輿地國文論說除中國輿地國論論說外概用英文考試如各生精於法德文代英文者試後仍令具願書補習英文送京每門各試兩點鐘等因奉此遵即改准於八月十二日考試仰各生一體遵照特佈

京奉路局再告

本局定准十二等日於河北勸業會場學會處考試是日早七點半鐘點名八點至十點鐘頭場十點至十二點鐘二場此佈

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

直隸諮議局議案預備會廣徵同人

意見書公啟

吾省諮議局會期在即該局之權限及應議事件之範圍皆須根據於諮議局章程不待言矣惟將一省大政組織一純全之議決機關以討論其可否而監督行政官之執行此為吾國數千年來未聞之創舉徵之前事既無慣例之可循取法外人又皆情形之各異本屆會期議案使不預行籌備非臨機倉猝而不知所措即茫無根據而難望有成現在津諸同人創辦直隸諮議局議案預備會已公擬簡章設調查員若干人編輯員若干人各就所知提議若干條着手預備然一省應議事項至極廣汎說經濟則如實業何由振興荒蕪何由開墾論財政則如租稅何由清理公債何由募集關於立法則如興辦一事必慎定規則以固其基改革一事必詳立章程以善其後關於行政則如到處皆是之局所差委若何浮濫久經辦理之警務教育有無進步其他如各地方之庶政諸官廳之積弊尤如亂絲紛無頭緒非有專門學識及實地經驗之才斷難奏效伏望熱心時政之同人贊助本會發表政見以期得完全之議案而為吾省諮議局成立之先聲庶不致臨時債事貽誤無窮不勝盼望之至

直隸諮議局案預備會在津同人公啟

再對於本會之意見書至八月三十日截止信函寄本會事務所(本會務所在天津河北三條石自治研究總所內)

順直諮議局議員諸君注意

督憲招集諮議局議員於八月十六日開臨時會札飭本處預備一切現已借定李公祠為議場吳楚公所為辦事處八月十六日下午一句鐘開會望議員諸君到津時先赴本處報到是為至盼

諮議局籌辦處啟